

Na osnovu člana 17. Zakona o javnim nabavkama („Službeni glasnik BiH“, br.39/14), direktor Službe za zajedničke poslove kantonalnih organa Bosansko-podrinjskog kantona Goražde **donosi**:

## **O D L U K U**

### **o utvrđivanju Plana nabavki Službe za zajedničke poslove kantonalnih organa Bosansko-podrinjskog kantona Goražde za 2019.godinu**

#### **Član 1.**

Ovom Odlukom utvrđuje se Plan nabavki Službe za zajedničke poslove kantonalnih organa za 2019.godinu.

#### **Član 2.**

Plan nabavki Službe za zajedničke poslove kantonalnih organa sačinjen je u skladu sa usvojenim Budžetom Službe za zajedničke poslove kantonalnih organa za 2019.godinu.

#### **Član 3.**

Plan nabavki Službe za zajedničke poslove kantonalnih organa za 2019.godinu podložan je izmjenama, a u skladu sa potrebama ovog ugovornog organa.

Izmjena i/ili dopuna Plana nabavki vrši se na način da direktor Službe za zajedničke poslove kantonalnih organa donosi odluku o izmjeni i/ili dopuni Plana nabavki, a u kom slučaju, takva izmjena i/ili dopuna Plana nabavki postaje sastavni dio ove Odluke.

#### **Član 4.**

Izvod iz Plana nabavki Službe za zajedničke poslove kantonalnih organa za 2019.godinu će biti objavljen na web stranici Vlade Bosansko-podrinjskog kantona Goražde ([www.bpkg.gov.ba](http://www.bpkg.gov.ba)), u skladu sa članom 17. Zakona o javnim nabavkama.

#### **Član 5.**

Plan nabavki Službe za zajedničke poslove kantonalnih organa za 2019.godinu nalazi se u prilogu i čini sastavni dio ove Odluke.

#### **Član 6.**

Ova Odluka stupa na snagu danom donošenja, a naknadno će se objaviti u „Službenim novinama Bosansko-podrinjskog kantona Goražde“.

### **Obrazloženje**

Ovom Odlukom utvrđuju se robe, usluge i radovi koje se planiraju realizovati u toku 2019.godine za potrebe Službe za zajedničke poslove kantonalnih organa. U skladu sa članom 17. Zakona o javnim nabavkama, ugovorni organ može započeti postupak javne nabavke ako je nabavka predviđena u planu nabavki ili kada ugovorni organ donese posebnu odluku o pokretanju postupka javne nabavke, te mora objaviti plan nabavki, čija je vrijednost veća od vrijednosti utvrđenih u članu 14. stav (1) navedenog Zakona, na svojoj internetskoj stranici, i to najkasnije u roku od 60 dana od dana usvajanja budžeta. Budžet Službe za zajedničke poslove kantonalnih organa usvojen je i objavljen u „Službenim novinama BPK Goražde“, br.3 od 28.03.2019.godine, pa je zbog svega navedenog, a radi transparentnosti u radu javnog organa, donesena ova Odluka.

**SLUŽBA ZA ZAJEDNIČKE POSLOVE  
KANTONALNIH ORGANA**

*Broj: 15-14-169-1/19*

*G o r a ž d e, 08.04.2019.godine*

**D I R E K T O R**

*Merko Karahmetović, dipl.iur.*